



十七

永樂二十二年至洪熙元年

國權

鹽官談遷孺木著

仁宗敬天體道純誠至德弘文欽武章聖達孝昭皇帝 諱高熾

太宗文皇帝嫡長子也 洪武十一年戊午七月生鳳陽乙亥

閏九月壬午冊為 燕世子端重沉靜嗜學七歲時秦晉燕

周四世子 高帝皆教而誡之異日者使分閱衛士 世子

還奏後問之對曰寒甚士方食 高帝喜使閱章奏擇其有

大體可施行者報命 高帝益愛之癸未 燕王起靖難

世子居守北平堅拒李景隆兵壬午 燕王即位尚以 世

子守北平永樂甲申二月召立為皇太子而弟漢王高煦
趙王高燧趙王劬以聰敏愛漢王用靖難功幾得立為太子
謀奪嫡者數矣中官黃儼江保數為趙王短太子於成
祖成祖遷都北京五出塞南京事悉屬太子晚節多疾僉
人讒構益殆宮僚若楊士奇輩下之獄贊善梁潛司訓周冕
三瘐死然太子益恭慎亦賴士奇襄義夏原吉羽翼之或
曰殿下知讒人乎曰不知也知為子耳其監國值水旱饑
荒軍民疾苦戚馬賑卹之暇與宮僚鄒濟王汝玉徐善述等
講說詩書脩詞賦之業日記萬言詞翰並精令聞久天下繫

心焉

永樂二十二年

八月辰文淵閣大學士兼翰林院學士楊榮御馬監少監海壽
以 大行遺命至北京 皇太子慟絕強拜受命尚書襄義
大學士楊榮楊士奇議合行事宜嚴京城守衛命 皇太孫
迎梓宮開平

丙午令從征寧陽侯陳懋陽武侯薛祿領隨駕三千騎並回
京否則選各營萬騎回時京師守卒不數千也

丁未太監王貴通率下番官軍赴南京鎮守

釋前戶部尚書夏原吉獄召至始聞宴駕伏地哭復其官
癸丑臣民上章勸進

丁巳 皇太子即皇帝位詔赦天下以明年為洪熙元年

戊午命英國公張輔領中府陽武侯薛祿領左府安遠侯柳
升領右府寧陽侯陳懋領前府成山侯王通領後府安平伯
李安筦四川都司事中軍都督僉事任禮筦廣西都司事前
軍都督僉事馬瑛改後府諭曰卿先朝勲舊朕託腹心焉
復刑部尚書吳中右侍郎楊勉官
徵鎮守大同宣府都督僉事劉鑑王玉還命都指揮使王禮

鎮守宣府

己未武安侯鄭亨鎮守大同保定侯孟瑛鎮守文陞襄城伯
李隆鎮守山海關武進伯朱榮鎮守遼東俱充總兵官

置太師太傅太保階正一品少師少傅少保從一品曰予冲
人賴焉亦 皇祖之制也襄義為少保兼吏部尚書加英國
公張輔太師皆給二俸

文淵閣大學士兼翰林院學士楊榮為太常寺卿金幼孜為
戶部右侍郎俱兼秩如故左春坊大學士楊士奇為禮部左
侍郎兼華蓋殿大學士前右春坊大學士兼翰林院侍讀黃

淮為通政使兼武英殿大學士榮以下皆掌內制不預外司
經局洗馬兼翰林院編修楊濤為翰林院學士前司經局正
字金問為翰林院脩撰

庚申工部尚書李慶改兵部禮部尚書金純改工部南京兵
部尚書趙鼎改南京刑部南京禮部左侍郎胡濙改禮部工
部右侍郎郭璉為吏部左侍郎刑部右侍郎張本為南京兵
部尚書兼南京都察院事吏部右侍郎師遠為南京戶部尚
書兼南京吏部事大理寺右寺丞鄒顏為禮部右侍郎都察
院右副都御史虞謙為大理寺卿

工部右侍郎伏伯曼督木潞河私驛丞妻先坐罰例赦復不
許謫荆門州知州
夜大星青白光色見玉井

辛酉鎮守廣西鎮遠侯顧興祖充總兵官仍率湖廣廣西貴
州官兵勦廣西寇

府軍前衛指揮使山雲為中軍都督僉事戶部左侍郎古朴
為南京通政使李至綱為左通政
刑部右侍郎楊勉以先道同獄指揮林茂虛詞降山東布政
司右叅政

中都留守司都指揮僉事牛諒以從武安侯鎮大同憚行詭
奏曰今臣獨任事乎抑為隸乎上怒戌交趾

士戎進鎮守雲南黔國公沐晟太傅
中軍都督僉事譚廣為左都督鎮守宣府請五千騎分屬都
指揮崔聚武興指揮董興張政唐銘阮真各領千騎遞往備
禦三月而代從之

癸亥于闐入貢

甲子賜漢王趙王書曰 大行皇帝所遺冠服諸物氣澤存
焉啟閱甚痛謹以阜紗衝天帽一黑氈直簷帽一并金釵頂

子茄藍間珊瑚金棗花帽珠一串金相雲鳳犀帶一金相玉
穿花龍條環一副并紫線條金事件象牙頂鞦花靴鍔鉄刀
一紵絲羅紗衣各一襲阜鹿皮靴一雙并五綵繡抹口襪斜
皮靴一雙并襪送賢弟朝夕瞻奉以慰哀慕

汰文官冗員 上曰古稱官不必備今冗矣抑復有老疾昏
懦徒怠賢蕪心其令在內堂上官在外巡按御史及按察司
庶察不稱者罷之

六科給事中劉穆劉秉李文殊李實張毓林道晏魏凱陳永
昌陳玘劉昌俞 齊鄭得皎王贊俱不謹謫縣丞

乙丑召漢王高煦

琉球中山王入貢

夜月犯火星

丙寅進寧侯賜陳懋太保

後軍都督僉事梁銘為都督同知燕山衛前指揮沈清為都

督僉事

戊辰宥罪戌未至者

光祿署丞王彝署正張原俱為寺卿署丞馬式為金吾前衛

指揮僉事

己巳許文職年七十致仕其闈兄有疾雖未七十除名著為

令

庚午鎮守四川右軍都督同知李敬自廢致仕

辛未郭晟嗣成安侯亮陳鍾嗣恭寧侯去薛綬嗣永順伯薛

斌子

故清遠侯王友子順特授羽林前衛指揮僉事

壬申禮部尚書呂震兼太常寺卿

都指揮使把台為後軍都督僉事

九 癸酉朔奉 仁孝皇后主於几筵遵先命也

山西按察使番昂陳諤初按湖廣擢撫楚王細故上素厭之至是謫海鹽知縣諤永樂五年貢士授刑科給事中時呼大聲秀才彈劾不避權貴終已署通政司踰年署應天府以嚴治坐忘調湖廣按察使及貶海鹽明年遷荆府長史上忽問左右往大聲秀才安在竟未及召宣德中除鎮江府同知致仕

袁宏曰陳公以犯顏改諫屢瀕於死賴文皇仁皇之明躡而復奮然竟齟齬坎壈其身直道三黜展禽豈欺我哉林之或曰陳公之鯁直九死不移宜其簡在帝心徒以執

政不悅而竟不果召惜哉洪熙之初三楊秉國而怯懦如此何名為賢相大抵直士多不容分宜江陵之際苦口者往往得奇禍則陳公之得保其身猶為大幸

何喬遠曰周新陳諤挺然官下而諤更持稜不利然亦一逐衆為鳥獻子傳謬而國初簾陛之間亦一奇也諤仕內外大小無常職令人當擇官而為之矣

定用鈔中鹽例督同... 交趾叅將崇昌伯陳智等奏黎利走老搃復走寧化之瑰縣官軍進勒頭目范仰等來降男女千六百人黎利雖云率男女

四百八十人，餘來降，止於清化之俄樂縣，且繕兵，常進討，命
招諭之，還，王若怙終，另以聞，恭宗命文舉、王、路、德、
掌交趾都司都督同知方政擊黎利於乂安之茶龍州，昌江
衛指揮同知定遠伍雲深入死之，命禮部贖贈。

甲戌，蜀長孫友堉來朝。

夜，大星青白，光見南斗魁。

乙亥，翰林院侍讀王直為侍讀學士，侍講王英為侍講學士，
脩撰林誌檢討錢習禮為侍讀檢討，余學夔、五經博士王達
為侍講。

後軍都督同知梁銘都指揮使陳懷鎮守寧夏，
奪遠安王貴燮、巴東王貴煊歲祿之半，父死不奔喪也。

弛西山樵採之禁，上曰：京師數百萬家，非山何薪？自天壽
山接居庸關之東，餘聽樵採焉。

通政司引奏六科歷事監生二千人，考吏事稱宜，送吏部授
官。上曰：吏事末也，士當博古窮經，達修己治人之道，其命
還學於國子，由科舉進。

夜，流星見弧矢。

丙子，作趙王邸於彰德。

勅掌文趾布政按察司事工部尚書黃福曰卿老成人久勞
在外亟驛還副朕延佇參贊文趾軍務兵部尚書陳洽其代
之

禮部右侍郎郭敦改太僕寺卿工部左侍郎李友直降順天
府丞太常寺少卿王勉降鴻臚寺右少卿太常寺丞康禮傅
霞岫降禮部主事

通政司左通政李至剛降興化府知府右參議朱紹祖降欽
州知州俱后 大行喪不齋宿

太常寺丞馮仲彛妄言甥女為謫仙特降南康府照磨

丁丑夜大星見天市東垣青白色

戊寅夜有星見天津色青白

己卯行人周彛使琉球

毛憐衛指揮使猛哥不花以從征功為右軍都督僉事

庚辰召韓王冲斌襄陵王冲烱及其弟冲炆赴京

免祥符陳留鄆陵太康陽武原武水災田租仍命右都御史
王彰都指揮同知李信往鎮撫軍民訪奏利病

工部徵民布漆脩兵器 上以方詔恤民止之給官直

辛巳上 太宗體天弘道高明廣運聖武神功純仁至孝文

皇帝仁孝慈懿誠明莊獻配天齊聖文皇后尊謚

左通政樊敬為刑部右侍郎

壬午頒謚詔

諭曰比年丹漆石青之類所司不究物宜概徵郡縣郡縣逼迫小民鳩歛金幣詣京師博易商販乘時射利踊價十倍吏復黃緣自肥計民費千百朝廷得十一耳自今計直所產地以官市料斂者誅

癸未禮部尚書兼太常寺卿呂震奏喪服踰二十七日宜易纓如遺詔不許命與六部都察院議之云宜素冠黑角帶群

臣同之報可及視朝上仍纓英國公張輔及諸學士如

上服上曰群臣從便朕則不忍曰歎輔武人也審禮

追謚故運王植曰簡

甲申漢王高煦至京

湖廣布政司左叅政李素為右副都御史復李友直工部右

侍郎

夜大星見太微垣色青白光燭地

乙酉群臣請立皇后

增諸王歲祿大賜諸王公主金紗幣上曰諸叔在者無幾諸

兄弟惟趙王居京師他皆藩外朕旦夕念焉戶部其各益祿米差次之

遣鎮守交趾中官山壽賚勅諭交趾頭目黎利蓋壽力言利善已請往諭之如諭而不來臣甘罪故命之

誅光祿寺丞蕭成光祿寺卿并泉除名時採南京玉面狸忤旨下御史劾成等盜內府物當死蓋工有夙嫌以永樂十

八年入朝先帝逐其庖者二十人稽其故為泉等奏上也其奏署丞王鴈書遂斬成鴈餘俱削籍寺丞郝郁為寺卿張澤為少卿

靈璧縣丞田誠九載考績邑人勾留上曰民留政可知加

州判官仍丞靈璧

丙戌給事中李謙等改按察僉事知州知縣

五河等縣大雨水免其糧芻

丁亥漢王還國

賜西天刺麻板的達僧錄司右善世智光為大國師各金印

漢王右長史王榮改吏科左給事中荆府右長史曹曼齡為

翰林院脩撰俱東宮之舊

復王勉太常寺少卿

諭翰林儒臣曰此朝野物議何如有利害當興革者悉聞朕
審可否紓民困焉

交趾都指揮同知臨淮陳忠擊黎利於清化戰死命禮部厚
其恤典

戊子遂安伯陳英克總兵官往山海永平巡視閩隘

襄城伯李隆守備南京

諭鴻臚寺曰朕欲聞吏賢否四方民休戚方岳來朝即引見
朕親問之

孫傑嗣應城伯孫巖孫

長沙人自宮求進不許令戍邊

己丑雲南按察僉事吳廷用為刑部右侍郎

庚寅鴻臚寺右寺丞楊善為寺卿

太常寺少卿周訥降交趾升華知府訥禮部郎中時請

宗封禪至是來朝工以其諛斥之

左通政樂福言治水蘓松嘉湖杭常今歲水災且寬征待來

年上曰若來歲併征民益困令鈔布代租

辛卯翰林脩撰陳循為侍講行人吳澤都察院司務吳良進

士夏時馮敬雋起良張崇郭永清俱為給事中

漳河溢廣宗縣傷稼賑恤之

壬辰兵部左侍郎崔衍為四川左布政使

平江伯陳瑄言七事重國本擇賢能蘊民力興學校整軍伍
謹邊防專漕運賜獎勅採行之有曰瑄言尋常耳上曰出
自武臣所以難也所為獎掖導不言者古人蓋死馬骨也

建平伯高福卒福咸陽人父士文都督僉事征交趾中砲死

贈伯福嗣

宗人府經歷黃琮致仕琮嘗事上東宮至是聞其老

癸巳趙王高燧請立太子報俟之

富陽侯李茂芳免為庶人奪三代誥券蓋茂芳母子請上於
先帝逆謀也

寧王權奏欲來朝又言江西非其封國上書規之

甲午群臣請立太子未允

乙未大理寺右寺丞孫時為兵部右侍郎

諭兵部尚書李慶合太僕寺馬增數倍而畿民一夫或畜三
匹四匹畢力於此耕桑盡廢其散馬給諸衛所及邊卒

丙申群臣再請立太子許之

進隆平侯張信少師

夜大星赤色見勾陳

丁酉進襄義少傅楊士奇少保楊榮太子少傅畢謹身殿大學士命兼之金幼孜太子少保兼武英殿大學士工科給事中陳山為左春坊左庶子左右中允張瑛戴綸為左右諭德衍聖公孔彥縉來朝 上曰四夷京師尚有館衍聖公來朝 儻民舍豈所以崇先師工部其賜宅 南京鴻臚寺右寺丞李嘉為左通政 遼東都指揮僉事李賢為後軍都督僉事 戊戌賜襄義楊士奇楊榮金幼孜銀章各一曰卿等事 先

帝有年又從朕春宮軍國務重須卿協贊或有闕政卿與群臣言之朕尚未從言此累疏母憚再三 山東按察使鄧真僉事洪順乞令內外七品以上官各舉通經一人任教職從之

夜大星黃白色見牛宿光燭地聲如雷又大星見女床

庚子大賚京師臣民軍人等

甘肅總兵官都督費瓖言安定曲先赤斤密落等寇五千餘人於必立出江黃羊川殺我內使喬來喜等劫綵幣馬騾命勅責之

監察御史金庠言四事任賢固本講武裕民 上嘉納之
辛丑進忠勇王金忠太子太保

十月寅朔集僧道於慶壽寺靈濟宮薦先帝后冥福
始命光祿寺三日賜衛士酒肉憫其寒也

革兩京戶部行用庫

工御恩善門選宮僚進安遠侯柳升太子太傅成山侯王通
陽武侯薛祿俱太子太保禮部尚書呂震太子少師戶部尚
書夏原吉太子少傅兵部尚書李慶太子少保戶部尚書郭
濟兼太子賓客刑部尚書吳中工部尚書黃福俱兼詹事太

僕寺卿郭敦為戶部左侍郎吏部左侍郎郭璉俱兼少詹事

監察御史黃宗載艾良俱詹事府丞曾榮王英為左右春坊

大學士兼翰林院侍讀侍講王直為右庶子兼侍讀學士周

述林誌為左右諭德兼侍讀左右諭德張瑛戴綸改司經局

洗馬刑部主事張宗理中書舍人張侗俱左中允編修徐永

達林長楸俱右中允蘭從善為國子助教王讓為左右贊善

檢討蔣驥中書舍人高穀俱左司直郎吏科給事中蔣先國

子博士張景良俱右司直郎郭進改名璉

命蘓松嘉湖等災民今歲秋糧悉折輸布鈔如永樂五年故

事石輸布六匹鈔六錠
癸卯許民犯笞杖者輸鈔自贖以通鈔

命兵部下各都司督衛所官視城堡傾塞者繕之

甲辰賜翊聖恭惠夫人守墓十二戶

諭禮部申養濟院之令 上曰 皇考時數下詔存恤鰥寡

郡邑有養濟院比間居室敝壞肉粟布絮不時給守令漠不

留心禮部令謹視之

乙巳復徐欽魏國公

朱國禎曰弇州謂中山王有令子是矣然又有孫如欽者

更可異焉欽方蒙恩襲爵 文皇此時亦謂易世氣平可

以相安矣乃乞守父墓不待命辭歸欽不負父與其父并

不負中山性定固然庭訓之漸磨抑可知也當日 文皇

之怒能泄於方齊諸族然終不能使之少屈而魏公父子

情、相抗無如之何 長公主牽衣大哭應之次是踟躕

雖得天下雖殺數萬人終有大不安大不快處兼以江海

使命紛、漢趙效尤種、建文之不幸甚矣亦豈 文皇

之幸也耶

丙午蠲登萊通稅鈔代之自是告災者以為例

丁未監生李頌李庸為兵工科給事中簡浙江江西福建廣東監生文學者試於翰林院得劉瑄等二十人分隸六科
戊申勅各鎮守官及都指揮司勿擅離任
通政司請彙四方雨澤疏送給事中收貯
工曰祖宗欲
前知水旱恤民施政故令奏雨澤送給事是終不知也而徒
勞州縣上章其封進

薊平峪徐蕭沛大水免田租賑於潛樂清饑

夜大星赤色見雲中

己酉立妃張氏為皇后并冊貴妃郭氏賢妃李氏惠妃趙氏

淑妃王氏昭容王氏

辛亥古麻刺國王刺苾等入貢

壬子冊皇太孫瞻琪為皇太子及妃胡氏封瞻峻鄭王瞻

壙越王瞻塔萊王瞻垺荆王瞻垺淮王瞻壇滕王瞻垺梁王

瞻垺衛王又封瞻坦漢世子瞻垺趙世子瞻望濟陽王瞻域

臨淄王瞻垺昌樂王瞻垺淄川王瞻垺齊東王瞻壙任城王

瞻垺海豐王瞻垺新泰王俱漢王子瞻壙安陽王趙王子志均嗣秦

王孟煊嗣楚王友垺嗣蜀王瞻壙嗣肅王晉垺嗣連王顯快

嗣伊王封蜀府悅熅永川王友垺黔江王友壙羅江王代府

遜舒路城王遜煜山陰王遜燿襄垣王遜炘靈丘王遠府青煇
益陽王貴煇湘陰王貴賢衡陽王韓府冲焚樂平王濡府佶
煇武鄉王佶燿陵川王佶煇平遙王
癸丑免廣宗縣田租諭戶部凡灾處即遣覈如不實罪有司
自今俱視此例
甲寅府軍右衛指揮使張昺為中軍左都督指揮僉事張昇
為後軍都督同知青州中護衛指揮僉事郭珙為右軍都督
同知郭英孫徐景珩為中軍都督僉事膺緒子
乙卯罷鎮守徐州忻城伯趙彝

命吏部令京官七品外官五品上及知縣五品以下見任官
若軍民訪舉德性深篤行止端方或才能出衆政績顯著或
文學有稱識見優長者量才擢用蔽賢濫舉罪如律舉後犯
賍連坐舉者

丙辰忽石門衛指揮沙籠加來朝乞授頭目亦失哈指揮
上曰往時尚有為千百戶者今一朝遽授指揮彼必不安遂
不許

丁巳工部右侍郎許 為左侍郎
蘇祿等國入貢

召楊士奇楊榮金幼孜同法司錄囚承天門諭曰比年法司
過濫朕未嘗不知所擬大逆不道者往、死刑四五覆奏自
今需決重囚卿三人同之寃雖細必聞
戊午免遠安王貴燮巴東王貴煊為庶人以前誣父不奔喪
也

琉球中山王世子尚巴志入貢

己未送岷王榷居武岡州

庚申月增文武官吏軍士俸廩

交趾按察僉事胡廩為右副都御史山西按察僉事李謙為

大理寺右少卿

作南京都知監司禮監二印

辛酉禁私屠牛

壬戌故妃張氏贈順妃李氏贈麗妃追封皇子靜樂莊獻王

瞻垠為蘄王改謚獻

大理寺左評事楊時習為寺卿右少卿李謙為左少卿降寺
卿虞謙為右少卿以鎮撫司言其失也

禮部左侍郎胡濙言十事勤庶政任良賢務節儉篤親、紉
諫諍明賞罰親經史守成憲嚴祀事精武備、上嘉紉之

癸亥命五府選宿衛士

河南左布政使杜智為南京都察院右都御史
左軍都督僉事冀傑鎮守北平

夜大星見天倉

甲子工部尚書金純改刑部刑部尚書兼詹事吳中改工部
兩浙都轉運鹽司判官向瑤為左僉都御史

夜有星見天紀

乙丑復向瑤右都御史兼詹事

除渾源州逃賦

夜月犯內屏星

丙寅夜大星赤光見節位又見羽林光燭地

丁卯監生徐永縉何宣鄭彤沈寧伍志厚盧琛易善陳襄陳

應炎潘信桂瑄蔡錫陳耀屈伸孫郁吳信林簡劉瑄謝永獻

為給事中永縉宣彤吏科志厚琛戶科善襄應炎禮科信瑄

錫耀兵科伸郁信簡刑科瑄永獻工科

試歲貢生

戊辰上御西角門罷顧翰林臣曰今日始寒朕與卿等尚

凜况在邊遂賜緣邊將士鈔幣

已巳設長陵祠祭署

庚午諭吏部尚書蹇義曰武臣皆封贈祖考文臣少得者君厚其臣必推及父母太祖太宗蓋行之其舉以勵忠孝重無濫

辛未滕府長史姚友直為雲南布政司左叅政

郭鏞為中軍右都督

命勲臣嗣爵俱封贈

十一朔朔諭禮部曰建文中奸臣已僂其家屬初發教坊司錦衣衛浣衣局及習匠奴功臣家值赦俱宥為民還其田土有

言事失當謫戍者亦宥之

命禮部勅學官訓士通經成才始克貢毋徒取記誦

癸酉遣中官魯安等賜哈密忠義王免力帖木兒綵幣

諭戶部尚書夏原吉曰所在郡縣奏除荒田租將百姓苦征徭相率轉徙與抑年饑不給疫癘死亡與自今一切科徭宜樽節政令不便者令有司條具災處其賑災稽違者罪之

甲戌諭群臣曰朕之菲德又屬亮陰嗣位之初首詔求言累月涉旬中外亡幾夫京師首善地民困於下而不得聞災膠於昔而不知革朕甚念焉君臣同體卿等無慮後謹嘉謀嘉

猷補朕不逮

擢秀才朱瑤為中書舍人

乙亥熬利不伏罪命參將保定侯孟瑛榮昌伯陳智等討之

遣諭兀良哈官民宥前過仍朝貢

大理寺卿楊時習為交趾按察使復虞謙大理寺卿峽山知

縣文溫為大理寺右少卿

許趙王去常山二護衛

丙子命公侯駙馬伯歲祿折鈔者支麥南京

諭都察院左都御史劉觀曰洪武中差遣御史賜衣鈔使自

潔正風紀今其如故事如復貪黷罪之

召諭大興宛平二縣官曰朕首罷不急爾京縣也而惠不先

朕勅詢民瘼固有知不言亦有欲言不知爾切近民亦何不

知而亦不言約三日悉以便不便聞坐視者辜因顧侍臣嘆

曰朕憂閭百姓而城內猶諱如此何況數千里外哉古人所

以戒無逸也

丁丑陝西行都指揮使王貴都指揮僉事史昭俱為右軍都

督僉事

戊寅夜木星入氐宿有大星見北河

更造內府護卒銅牌初以木
命兵部遣視各處驛傳仍巡按御史督視

夜大星赤光燭地見東井有星赤色見輿鬼

庚辰上謂侍臣曰守成之主動法祖宗斯鮮過舉矣已命

募賜祖訓於諸弟

內官馬騏傳翰林院草勅付騏往復交趾辦金銀珠香翰

林院覆奏上怒曰朕安得有此言卿等不聞其前毒交趾

乎騏歸交人如解倒懸今又可遣耶

談遷曰馬騏流毒交趾幸上悉之卒不以罪或恐露

先帝之短至矯命事聞宜立下司敗正其積弊甘伏詐傳

之誅俾足儆後但一震怒後絕無深譴彼狐鼠輩又安所

顧忌耶昭帝之仁仁而過者也

夜有大星二一赤色見天圜一青白色見河鼓

辛巳命刑部都察院凡罪廢吏令佃北京

工曰朕聞南京抽分廠積薪及龍江提舉司積竹木甚富今

京師得薪最難與久貯任腐敗何若散民歲用外工部悉鬻

之明歲應天等府蘆柴折鈔十之一

陝西右布政使涑水李得成致仕

永平山海餉足改大同中鹽

壬午韓王冲斌襄陵王冲恠樂平王冲侯各上詩頌勅褒答
之
浙江按察副使趙緯來朝降嘉興典史以前禮科給事中務
掇人過失也

夜大星青白光見外屏又大星見滕蛇

癸未都督僉事沈清充叅將協守大同

遣監察御史湯榮等十四人分巡天下考察官吏諭曰蓋吏
有媚上而殃下者有不阿而民悅之者有虐刑巧索能集事

者有廉潔自守不能弛張者人之才器其可概哉夫御史朕
耳目也當審詢之勉副朕心因人賜鈔二十錠

遼東都指揮使郭義都指揮同知李通俱為後軍都督僉事
甲申平陽王美圭來朝

上曰皇考同氣無諸叔諸姑親諸叔子已冊封諸姑在南
京齊而未名號其加寧國懷慶大名南康永嘉含山汝陽寶
慶八長公主皆為大長公主戶部益祿焉
錦衣衛指揮同知甘斌以占民田降漳州衛千戶
命吏部凡所薦舉至必試而用之

前布政司左叅議郭良屢罪謫至是值赦例復上問
良曰貫高為人何如不能對遂除名蓋良嘗秦府訐王也
乙酉鳳陽府照磨李準為太子賓客兼兵科都給事中蓋舊
宮僚來朝

丙戌太子賓客戶部尚書郭資致仕勅曰卿事我皇祖皇
考歷四十年列於六卿可謂盛矣怨叢而不暇顧害及而不
知避忠貞篤實之臣也今老矣朕聞強勞特陞太子太師俾
卿致仕於戲念先帝舉我時早莫從朕守城最勞若令命
戶部免卿戶賦卿歸休強飲食慎醫藥以娛暮齒賜金幣

進襄義少師楊士奇少傅夏原吉少保兼秩如故呂震太子
太保劉觀吳中太子少保又賜原吉繩愆糾謬銀章

夜月犯諸王星又二大星色赤一見北斗魁一見紫微西藩
月下卿雲見

丁亥上御西角門閱京官誥詞顧楊士奇楊榮金幼孜蹇
義夏原吉曰卿等先帝舊臣朕方倚自輔朕所行卿朝夕
共見未善當盡言前代庸主自尊而惡聞過其素所親信但
容順音有良臣不默一再拒亦退絕口我君臣深戒之終
始同心遂手益誥曰勿謂崇高而難入勿以有所從違而或

急士奇等稽首謝曰上悅
已丑靖江王府輔國將軍贊侃贊偕來朝班下
白泉親也其班駟馬都尉次著為令
夜月犯輿鬼
庚寅勅諸將嚴邊
禁教坊司樂人衣帽靴違式

夜大星二色青白一見墳墓一見華蓋
辛卯追封衛聖夫人楊氏故夫蔣廷圭保昌伯謚莊靖
削交趾叅將保定侯孟瑛爵奪諾券安昇雲南以其兄賢前

謀逆

諭戶部尚書夏原吉曰先帝立屯種法所以省民轉輸足

兵食所司數以征徭擾之其令天下衛所毋擅差遣屯卒

工科給事中郭永清言五事曰令有司督里老百姓治田渠

桑棗曰豁軍伍絕戶曰內官內使非重事毋外遣曰禁江河

舟人帶兵器曰劫曰脩學校壇廟並從之

山陽縣丞崔奎請召商各處官司納鈔支鹽本場從之

夜惑熒退犯五諸侯星

壬辰都督方政為叅將協守交趾

前北京刑部右侍郎宋性卒性德州人監生授刑部主事歷
署右侍郎建文中以湖廣按察副使調陝西永樂三年任四
川右叅政五年進北部所至以廉能稱
夜大星色赤見於人星

甲午夜大星赤光燭地見八穀又大星見危宿
乙未夜大星赤光見於人文

丙申翰林學士楊溥密疏言事 上納之賜札獎諭勞綵幣
一雙鈔子貫曰望卿始終如此

夜大星青白光見卷舌

丁酉召華陽王悅燿赴京

己亥 上為太子時不悅御史李祥舒仲成勅理木植課之

獎王汝玉預馬監國愛汝玉命祥等劄其名不聽見筮至是

蹇義奏仲成它事 上命捕治 上問李祥安在曰內艱矣

仲成時陞湖廣副使下臺獄楊士奇曰漢孝景為太子召衛

綰綰稱病及立不譙呵 陛下為太子時小人多得罪者今

已盡宥更追理詔書不實望惜俊良共成王化 上悅曰有

卿如此朕復何憂因降敕獎曰朕慮卿不言卿導朕以仁助

朕以德惜良俊成王化此欲朕為唐虞君忠良股肱臣也特

齊白粲十石綵幣二雙鈔二千貫

夜大星青白光燭地見北河

庚子命安遠侯柳升陽武侯薛祿平江伯陳瑄皆世襲

南京工部右侍郎甄庸為尚書

永城縣河溢傷稼免去年田租

魏國公徐欽卒

上御右順門諭楊士奇曰近覺群臣助我也或快意行事方

退悔而外疏及之甚善士奇對曰宋富弼有言願不以同異

為喜怒不以喜怒為用舍 上曰然書不云乎逆於汝心必

求諸道朕恒念之群臣間拂朕意退未嘗不及覆也朕言有

失亦未嘗不改士奇曰改過不吝成湯所以聖也 上曰朕

患不知耳不患難改

夜大星色赤見螭蛇

辛丑滿刺加入貢

二月朔左軍都督僉事張達卒 雖寧人從請難

癸卯 上聞建文臣齊泰黃子澄等外家全戍者田俱蕪命

兵部家存一丁於戍所餘放歸治田 甲辰廣東按察副使陳勉為左副都御史

諭吏部曰師儒古稱模範比來國子生大率歷事諸司苟歲
月圖出身卿等每引國子監官循資爾不聞舉一道德老成
之士自今宜慎選

十月夜月犯十二國秦星有大星色青白光燭地見七公

丁未詹事府丞黃宗載為吏部右侍郎大理寺右寺丞施禮
南京大理寺右寺丞湯宗俱為大理寺左少卿南京吏部郎
中嚴升為南京大理右少卿南京禮部郎中王羽為太常寺
少卿山東道監察御史金庠為南京刑部右侍郎
都察院右都御史兼詹事向瑄言二事曰武臣襲職嚴比試

更令舉保曰郡縣官犯公罪量罰其俸從之

禮料給事中黃驥言西域賈胡進貢病民乞陝西都司除哈

密亦力把力撒馬兒罕等國貢使不過一二十人給驛庶甦

疲氓又西域產馬餘礪砂梧桐蠶之類無裨於國其馬給軍

餘勿受聽民貿易以省官費從之示其奏禮部尚書呂震曰

驥嘗使西域故悉西事卿西人不悉耶

京衛千戶劉彪等七人當備禦遼東而逃一命斬以徇

戊申夜火星色青白見天津

己酉瓦剌賢義王大平貢馬

庚戌法司奏刑名畢召諭曰朕未嘗敢以喜怒損刑法卿等
明信蒞之如朕一時嫉惡過中酒執正母慮平迂

召故兵部尚書金忠子達故吏部侍郎許思溫子俊至賜衣
食授達翰林檢討俊太常寺贊禮郎念舊人也達十餘歲命
支俸歸進學

辛亥列各都布按三司姓名於奉天門西序時省覽

諭夏原吉曰稼穡問農絲枲問婦鈔法不通朕高卿兩日未
決其問之問陶可榜通達許臣民陳所見
癸丑罷海子至西湖巡視官

命戶部馳諭各郡縣凡被災田土悉準永樂二十年山東通
租例蠲其糧稅

常州大水免田租

命刑部都察院通政司錄贓官姓名歲之便稽閱

大理寺右少卿弋謙辦事官程富各言事皆嘉納之

甲寅勅獎楊榮金幼孜以治大行之勞

乙卯梓宮發北京

夜月犯軒轅星有大星色青白見室宿

己未夜大星見天園

庚申葬大行皇帝於長陵

夜月犯內屏星

壬戌夜月犯平道星

甲子琉球山南王入貢

乙丑貴州左布政使蔣廷璿被劾降左叅議

丙寅後軍都督僉事江浩卒五河人燕山左護衛百戶從靖

廣西總兵官鎮遠侯顧興祖奏討平樂潯州賊斬千九百餘

級

丁卯漢世子瞻坦等來朝

戊辰欽州判官李顯為光祿寺少卿前光祿署官事東宮

通政使尹必用叅議顧謙下獄以省牲郊壇謙代必用也

左通政李嘉為通政使右叅議朱侃為右通政

己巳鎮守寧夏後軍都督同知梁銘封保定伯世襲祿千五

百石鎮守寧夏都指揮使陳懷為右軍都督同知仍鎮守

江西布政司左叅政夏迪為南京左副都御史

初禮部令天下有司神祇壇廟歲久備墊者繕之祭器出堅

潔祭物出公帑毋歛於下仍巡按御史按察司以時閱

禮部尚書呂震請明歲受大朝賀不從因請大學士楊士奇

楊崇金幼孜黃淮進曰陛下言是為上曰山陵甫畢何忍也震曰萬國遠覲皆欲一覩天顏聖考誠至亦宜勉狗工曰禮過矣士奇等曰請無備禮上從之

乙巳洪熙元年
正朔申朔上朝奉天門徹樂

癸酉上召楊士奇楊崇金幼孜黃淮厚賜之曰朝會賴卿同心不從震請自今朕有未當卿但直言

甲戌南京龍山進異芝禮部請賀不許
乙亥勅群臣各脩舉職事

沐昂為右軍都督同知仍署雲南都司事

丙子駙馬都尉西寧侯宋琥削爵

通政使兼武英殿大學士黃淮為少保戶部尚書仍武英殿

大學士楊士奇兵部尚書太子少保兼武英殿大學士金幼

孜禮部尚書俱支三俸

南京通政使古朴為南京戶部尚書南京禮部右侍郎蔚綬
為尚書南京大理寺左少卿湯宗為寺卿

故少詹事餘杭鄒濟故左春坊左贊善天台徐善述並贈太
子少保謚濟文敏善述文肅立祠於墓歲二祭濟國初舉明
經訓導本縣薦入翰林脩實錄和易不見岢嵐通釋工

東宮甚寵遇之善述貢太學授桂陽州學正進國子博士永
樂初拜左司直郎進左贊善耿介不阿多弘教沃先卒遣奠
丁丑刑部尚書金純進太子賓客

中軍都督僉事馬聚後軍右都督譚青俱為左都督右軍都

督同知高成後軍都督僉事馬瑛俱右都督右軍都督僉事

楊澤倪寬俱都督同知山東陝西都指揮使高敬海亮為中

軍右都督浙江都指揮同知徐甫為左軍都督同知大學中

都留守都指揮同知馮斌李得俱前軍都督同知山西行都

司都指揮同知鄭銘為後軍都督同知河南都指揮同知高

文為中軍都督同知都指揮僉事崔聚為左軍都督僉事祁

英為中軍都督僉事山東都指揮僉事孫勝馮興為右軍都

督僉事陝西行都司都指揮僉事韓僖為前軍都督僉事後

軍都督僉事李賢為右都督柴永正把台為左右軍左右都

督吳成馬維良為後軍左右都督右軍都督僉事兼火耳灰
為左都督
夜月犯外屏星
戎員後軍右都督李賢封忠勤伯歲祿千二百石
已郊享太廟
作弘文閣於思善門鑄印翰林學士楊溥領閣事有建白以
此印封識翰林侍講王進佐之初
上諭楊士奇曰朕欲別
擇端謹之士備顧問士奇薦進及吳人陳繼寔義薦國子學
錄楊敬訓導何澄授繼翰林院五經博士敬編修澄禮科給

事中並直弘文閣

浙江都指揮使孫勝為右軍都督僉事陝西行都司都指揮

僉事馮興為後軍都督僉事仍鎮守定州

庚辰夜火星留井宿有大星色黃白見壁宿

辛巳諭兵部先帝聽民間畜馬有司急馬息民不暇及私

今後畜官馬者二歲納駒一著為令

夜月犯諸王星

丙戌工南郊始奉太祖太宗配天地還朝奉天門行慶

成禮詔天下大賜宴

作天元玉曆祥異賦刊賜廷臣

夜大星色青白見角宿

丁亥夜月犯內屏星

戊子恭順伯吳克忠進封恭順侯都指揮同知吳管者封廣

義伯祿于石世襲俱吳允誠子

羽林前衛指揮同知吳也先克台為左軍都督僉事

己丑罷給朝覲官驛牧馬兵部尚書李慶言畿內民困牧馬

請中原及江南諸大省覲吏各給一馬正官牝佐貳官以下

壯太僕苑馬歲課其息駟者同民罰從之已工曰非也使

士牧民而責以馬手遂罷

都指揮同知臭鬼里嚴宣都指揮僉事劉聚吳守義俱都督

僉事

夜大星色赤見北斗

庚寅推增市肆課鈔

兵部左侍郎孫時年老改南京太常寺卿

廣西按察使曹本為兵部左侍郎前工部右侍郎張信為兵

部右侍郎

請難舊將都指揮使張傑等各補官

勅責交趾叅將陳智方政玩寇之罪

瓦剌賢義王太平貢馬

辛卯遣中官楊琳招諭老撾軍民宣慰司及孟良府土官
平江伯陳瑄克總兵官率舟師運糧北京

夜大星色青白見軫宿

壬辰諭禮部曰比令廷臣展省則有養祭賓客若還往道里
費官給俸給日用而已計餘皆鮮矣自今一品二品歸賜鈔
五千貫三品四品四千貫五品二千貫六品七品千貫八品
以下皆五百著為令

瓦剌安樂王把禿孛羅子貢馬

癸巳祭故工部尚書宋禮諭祭

設繕工官工部左侍郎李友直為尚書專其任右侍郎蔡信
副之并置繕工經歷

甲午復梁毅周璠馮彬監察御史 洪武中請成

乙未遣諭罕東衛指揮同知綽兒加國師札思巴監藏

丙申夜大星色青白見氐宿又大星見貫索光燭地

戊戌擢解禎期中書舍人

己亥遣廣西右布政使周幹廣西按察使胡榮福建右叅政

葉春巡行應天鎮江常蘇松江杭州嘉興察民利病

大學士金幼孜歸省

故左春坊左贊善兼翰林編修長洲王汝玉贈太子賓客謚

文靖賜祭

刑科給事中黃鐘有罪安置均州

夜大星色赤見軒轅

二月丑朔遣中官柴山封琉球中山王世子尚巴志為琉球國

中山王

頒制諭各邊將印雲南總兵官太傅黔國公沐晟佩征南將

軍印大同總兵官武安侯鄭亨佩征西前將軍印廣西總兵

官鎮遠侯顧興祖佩征蠻將軍印遼東總兵官武進伯朱榮

佩征前將軍印宣府總兵官都督譚廣佩鎮朔將軍印甘

肅總兵官都督費瓌佩平羌將軍印交趾叅將崇昌伯陳智

都督方政佩征夷副將軍印寧夏叅將保定伯梁銘都督陳

懷佩征西將軍印

壬寅都指揮使程忠為左軍都督同知都指揮僉事滕定為

右軍都督僉事

癸卯擢劉奎子儁陳瑞子壽給事中奎戶科瑞兵科

甲辰鑄征十 大將軍印
漢王高煦訴次子瞻圻不孝不忠命徙鳳陽

乙巳置武英殿右順門待詔秩從九品
夜大星色赤白見雲中

丁未 上釋奠太學

戊申祭太社太稷奉祖考配為常

太監鄭和領下番吏卒守南京

工部郎中賴瓚為右侍郎尚賢少卿張信為司卿瓚素貪鄙
謫呂震被薦 上尋悔之

故交趾布政司左右叅政馮貴侯保贈左右布政使

復紀正應天府尹

高遠嗣建平伯 高福子

夜月犯六諸王星

己酉夜大星色赤見雲中

庚戌鎮江蘓常多盜命捕之

許軍民犯笞杖運磚贖罪

賑舞陽縣饑

辛亥大星色赤見五車

壬子諭楊士奇等曰東宮就學當以大經大法進說其前史
非聖道無裨於治者勿陳

甲寅兵部右侍郎張信為錦衣衛指揮同知張輔從兄

談遷曰少司馬位不薄竟轉環列當時右武故也若今日

視緹帥粗人之極致耳

乙卯久旱得雨封大小青龍神名其山曰翠微山禮部歲春

秋仲月祭

丙辰上祭先農耕籍田

賑睢寧縣饑

丁巳尚書司卿朱瑋為金吾左衛指揮使世襲守城功

夜大星色赤見天鈞

戊午國子祭酒兼翰林侍講胡儼進太子賓客致仕賜勅

易州同知裴璉為工部右侍郎通政使尹必用降本司經歷

右叅議顧謙降知事

太僕寺丞郭崇義詐疾成交阯

夜大星青白光見太微垣五帝內座

南京地震

己未夜大星青白光燭地見天囿又大星見心宿月食土星

庚申襄義子荃授尚書司丞

大理寺少卿弋謙言五事頗矯激上不懌禮部尚書呂震

大理寺卿虞謙交劾之不聽僅免其朝參

賑清河縣饑

南京地震

辛酉遣內官段忠徐亮招諭雲南緬甸麓川木邦宣慰司及

孟定府灣甸州鎮康等處

夜月犯天江星又大星光青白見紫微垣外

壬戌南京地震

癸亥總兵官太子太保陽武侯薛祿左都督吳誠都督同知

高文程忠都指揮僉事宮得馬興等逐十於赤城斬百餘人

擒十餘人餘遁特遣太監楊瑛鴻臚寺卿楊善以酒干餅羊

百糗勞軍遂益祿歲俸五百石誠等歲俸給本色米十之三

得興等皆陞賚有差

夜大星色青白見雲中

甲子鑄鎮朔大將軍印

晉王濟熿與平陽王美圭爭連伯灘田各書諭之

乙丑南京地震

丙寅奉先帝主祔太廟

命吏部方面官三考稱職給本身誥二考無過始封贈

夜南京地震

丁卯兵科給事中劉渙鎮文趾不命代輒還謫交趾吏

暴風自東南至

戊辰貴州按察使顧佐為通政使

夜大星色青白見宗正

己巳夜南京地震大星色赤見北河又大星色青白見五車

又大星色赤見井宿

三朔未朔命南京襄城伯李隆運木未過儀真者俱貯龍山廠

勅法司曰人命至重卿等毋深文羅綺大理職評亦毋畏憚

遷合書不云乎欽哉欽哉惟刑之恤哉

召南京前軍都督同知陳翼還中府

壬申前光祿寺丞權謹為文華殿大學士謹最孝友

永樂初薦授樂安知縣奏最轉署丞母病躬湯藥弗効籲天

求身代而愈後母年九十終負土封樹廬墓三年有烏鳴泉

涌兔馴之異上聞之特召入當朝宣誦事狀以示百官謹

辭秩上曰朕之除卿嘉孝以風天下他無責寄

行人司右司副張洪為翰林院脩撰

故兵部尚書劉儁贈太子少傅謚節愍

癸酉五色雲見

賑樂亭縣饑

福建左布政使顧鵬以贓免

夜大星光青白見雲中又大星赤色見帝座

甲戌清明節僧道追薦

故兵部尚書兼詹事金忠贈少師謚忠襄故北京行部左侍

郎馮京贈少傅謚文簡故兵部右侍郎兼少詹事墨麟贈少

保謚恭毅故戶部左侍郎王鍾贈太子太保謚僖敏故禮部

尚書鄭賜左侍郎儀智俱贈太子少師謚賜文安智文簡故

吏部左侍郎許思溫贈尚書北京行部右侍郎楊泰北京行

太僕寺少卿孫瑜俱贈戶部尚書故北京布政司參議贈吏

部左侍郎成璉兵部左侍郎盧淵俱贈兵部尚書謚淵恭順

故刑部左侍郎盧祥贈尚書故工部左侍郎陳壽右侍郎鄭

剛北京行部左侍郎康汝楫通政使賀銀俱贈工部尚書謚

壽敏肅故應天府丞張執冲贈府尹故北京行部尚書朱濬

謚榮惠遣祭陳壽皆先朝舊勞 上念之曰謚定論也勞如

賀銀塔贈不堪美謚予惡謚不若無
夜大星青白光見角宿又大星色赤見騎軍

南京地再震

乙亥山東布政司左叅政俞士吉為詹事

賑任丘縣饑

夜大星三色青白一見翼宿一見屏內一見天市西垣

丙子命外官滿三考聽省親展墓

湖廣藍山縣盜起

丁丑冊敬妃張氏張輔女

勅群臣曰朕數詔求言冀匪不違即位以來臣民上章數百

計莫不欣然聽納其有未當未嘗加譴聞者大理少卿弋謙

言過矯激朕一時不能概之於衷而群臣或迎朕意奏其賣

直朕免謙朝叅言者益少未嘗不自媿今爾群臣勿戒前事

謙出朝叅如故

談遷曰襄仁宗樂聞讜言韜鐸四布於弋謙免朝僅幾何

時即揣合時望引以自媿諫獻誇不休風遠紹而三楊蹇

大夏倚毗尤切似無一言及之幸天聽之能早也

賑南和縣饑

夜南京地震

戊寅賑連城縣饑

復徐景昌定國公徐長孫嗣魏國公賜名顯宗欽子

夜南京地震

已卯賑黃巖縣饑去歲大水漂五百餘家溺八百人

夜南京地震

庚辰故贈崇國公謚忠顯張玉追封河間王改謚忠武加贈

榮國恭靖公妣廣孝少師

五色雲見夜南京地震

辛巳華陽王悅耀來朝

南京地震

壬午通政使李嘉戶科給事中艾廣俱奏對不實降文陞按

察司知事

癸未命徐顯宗入太學諭國子司業身泰曰此開國元裔欲

其家同國久必令奉法循理孝若忠顯宗孤子也加意誨之

使長不失其祿位因賜泰鈔幣

夜南京地震

甲申賑鉅鹿縣饑

夜月犯平道星南京地震

乙酉夜金星犯昴宿南京地震

丙戌漢王欲賀萬壽節書止之

南京地震夜二大星色赤一見近尾一見營壘

丁亥詔曰刑以禁暴止邪豈專誅殺哉皇祖律令善長

而惡惡短罰之輕重咸適厥中更比附謬妄傳致死罪朕深

閔之夫五刑之條莫甚大辟身首異處斯已極矣自今有犯

死當凌遲者依律科決餘斬絞罪法司並勿傳會若朕嫉惡

偶過律外用籍沒凌遲刑法司再三執奏三不允至於五五

不允同三公大臣執奏允乃已永為制文武諸司自今亦不

許法外用鞭背等法尤不許宮人以絕嗣宮求用者絕其祖

宗父母幸富貴豈有心事君今有自宮者以不孝論人之為

非父子不相謀是以舜罰弗嗣文罪不孥自今犯謀反大逆

者依律連坐餘止其自古之盛時採民言資戒警令凶險之

徒撫為誹謗一言涉國輒呈此名法吏刻深鍛鍊刑之失中

民則無措今後告誹謗者一切勿治

南京地震夜大星色青白見昴宿

戊子遣中官往朝鮮祭故光祿寺卿權承均賜其家金二百

幣十並... 陰平縣饑柏鄉縣多貯官麥請以貸之 上曰饑即賑毋曰

貸... 夜南京地震... 已丑趙王高燧之國彰德

夜南京地震... 夜南京地震

夜南京地震... 庚寅太子太保陽武侯蔣祿為鎮朔大將軍總兵官率師巡

開平大同... 遣中官洪孜勅賜車里靖安宣慰使刀雙及一百大甸軍民

宣慰使初招綵幣

賑泰安州萊蕪等縣饑

辛卯召廣西總兵官都督任禮

安平伯李安為交趾參將

壬辰和寧王阿魯台貢馬

廣西蒙顧洞賊作亂勅顧興祖討之

罷市徐州等處羊毛或自南京來 上召至榻前問民所苦

對曰過徐苦買羊毛立罷之

癸巳夜大星青白光見軫宿月犯十二國代星南京地震

甲午賑薊州新寧縣饑

夜大星色青白見天市東垣外南京地震

乙未召鎮守大同後軍都督僉事沈清還命都指揮使曹儉

為叅將佐鄭亨

賑平度州蓬萊縣饑

五色雲見

丙申金鄉忠壯侯王真贈寧國公

中書舍人姚繼為尚寶司卿廣孝養子

丁酉都督山雲克游擊將軍率兵巡薊州永平山海

翰林學士楊溥為太常寺卿兼學士

長興賊平

夜大星色青白見漸臺

戊戌加北京諸司日行在復建北京行部及行後軍都督府

工時決意復都南京也

定國公徐景昌領北京行後軍都督府

南京兵部尚書張本工部尚書李友直右侍郎裴璉蘓瓚俱

調北京行部戶部右侍郎李梟刑部右侍郎金庫俱北京行

部左侍郎禮部左侍郎胡濙為太子賓客兼南京國子祭酒

革繕工官事歸於兵部

夜南京地震

己亥後府都督同知張昇為左府左都督

四唐子朔享太廟河間忠武王張玉東平武烈王朱能寧國忠

壯公王真少師榮國恭靖公妣廣孝配享 太宗廟

談遷曰河間東平佐命之功偉矣王真雖驍將効元戎之

任淺恭靖異類比於十亂待典卑散諸人色報也大蒸重

典必求其無可議者如張英公張隆平虛其位以待

順天府尹甄儀為行在兵部左侍郎

勅責山海永平總兵官遂安伯陳英及都指揮陳景先以縱

弛疎防之罪

甘肅總兵官都督費瓖奏送降胡家屬赴京又婦女二十

七人俟後至命瓖即送至爾付託尤專而懦弱不振低肩俛

首受制於人大丈夫固若是乎蓋瓖聽中官指使也

辛丑武進主簿鄭溱為行在禮科給事中

夜大星青白光見雲中

壬寅有至自南者 工問所過民安否對曰淮徐山東饑有

司急夏稅召問少師蹇義對如之遂召楊士奇等令草詔免

之併秋糧官買物料一切停罷士奇曰請使戶工二部臣與
聞之工曰有司慮國用必持議不決採民之窮不可遲疑
時工坐西角門命士奇等就西角樓起草士奇草詔曰朕
夙夜憂民弘諮下隱山東諸郡及於淮徐頻歲旱澇今秋成
未冀民凍餒呻吟流於道路郡縣不畜心父母耶可全免今
歲夏稅其秋糧減半徵收自今年四月以來一應收買及科
派物料未到官者盡行停罷若實無見物先虛報在官者宥
不問不許再科以足其數諸郡縣撫緝安養毋貪刻重困之
上曰善立書詔用璽顧士奇曰今可語二部矣

談遷曰蠲租停徵俱戶工二部關白其事仁宗敦、民
隱惟沮格之是懼一聞疾苦立賜德音真與民同患不媿
父母天下之責矣

爪哇國王楊惟西沙入貢

上聞中官採木四川之橫諭行在大理寺右少卿弋謙曰爾
為朕治朕自知爾毋畏陞行在右都副御史賜鈔千貫以行
召鎮守定州都督僉事馮興還

設北京行都察院置右副都御史左僉都御史分盧龍恒南
冀北廣平四道

壬寅有言邊將不設備遂勅戒各總兵官及鎮守曰常年備
皆以秋冬春夏則懈難常也宜謹備之

夜二大星色青白見雲中

癸卯漢世子瞻坦及諸子並來朝

後軍都督僉事謝芳卒壽州人會州衛指揮使從靖難

夜火星入鬼宿又大星色青白見酒旗

甲辰勅各邊將以天象有暴兵嚴為備

大名饑發長垣縣倉賑之

夜大星色赤見翼宿

乙巳嚴鈔法

南京地震

丙午賜皇太子書曰朕惟祖於孫父於子親愛天下莫加

焉而惟明所以長保富貴壽康之道以期之者聖人之心也

爾朕嫡長子我皇考鞠育提訓隨事示之永樂甲辰春親

征北車駕將發子孫咸在顧爾謂朕古之令王盤盂劍几

皆有警銘人主之道莫大中正吾欲以人主中正四字製賢

師還爾俾爾勉焉不幸窮天今皇太子屬爾謹製爾授爾懋

敬之敬其內以慎其外隆古帝王傳授盡此爾懋敬之

封皇女嘉興公主慶都公主清河公主真定公主延平公主德慶公主

南京地震

丁未夜南京地震

戊申命華陽王悅耀居武岡州以得疾於父也

安慶府推官姚震為監察御史

薊州山海鎮守都指揮以神銃追敗之

弘農衛經歷汪景明賢城縣丞王紹俱復監察御史

前戶部右侍郎李文郁為通政司左叅議刑部郎中李驥吏

科給事中羅亨信工科給事中周岐後工部主事丁璿四川

按察僉事韓克忠開州知州張衢州通判唐舟鞏昌知縣

臧性並為監察御史南樂知縣呂文質為吏科給事中

行在錦衣衛指揮使王節遣官捕盜於濟寧儀真鎮江

夜南京地震

己酉賑鄭許鈞汝延津杞襄城汜水考城臨穎通許太康永

城鄆城原武扶溝河陰登封盧氏孟津魯山南陽邙河內武

陟西平遂平饑

夜月犯內屏星

庚戌諭禮部曰南士善文北士厚重令科舉所進北得十一
馬其定議南士六之北士四之時鄭府審理正俞廷輔言科
舉不得人乞有司訪通令博古端重年二十五以上許入試
上是之

昌邑邢臺饑賑之

壬子 皇太子往祭 孝陵留守南京

加贈故文淵閣大學士兼左春坊大學士贈禮部尚書謚文
穆胡廣少師遣祭賜其家

甲寅 工念舊勞賜少師兼吏部尚書蹇義少傅兵部尚書

兼華蓋殿大學士楊士奇銀章蹇忠貞印楊貞一印令藏於
家時侍 工上夜見玄象否皆曰未見亦不知坐 工曰士奇

當知之紫微垣甚急命矣歎息起明日召義士奇至奉天門

曰監國二十年構於讒慝心之艱危吾三人共之 工賴 皇

考在明得已保全言已法然義士奇亦流涕曰先帝之賜
上際正純誠之効今已脫險即夷 陛下自寬 上曰即吾
去世後誰知吾三不同心 誠各賜印

乙卯 祭上發京師

夜大星色青白見太微垣

丙辰夜金星犯井宿

戊午祭長陵

夜大星色赤見勾陳月犯狗星

己未還宮

庚申行在後軍都督僉事沈清指揮僉事李敬鎮守居庸關

南京地震

辛酉前遠東都指揮使齊安卒

癸亥高澤為行在兵科都給事中前鎮原教諭坐戍曰士奇

賑長垣饑

漢府紀善李遜以離間伏誅

夜大星色赤見心宿光燭地又大星色青白見天屏

甲子大同總兵官武安侯鄭亨奏遣高山等四衛吏卒屯守

大同之上以屯種已入土若移則盡棄且各衛距大同亦遠

縱趣之行亦中夏非農期徒彼此失業勅責之

北京行部尚書張本入朝改行在兵部尚書

涿水臣簿彌堅為吏科給事中

丙寅以岷王居武岡改華陽王居澧州

琉球中山王尚巴志入貢

丁卯賑玉田縣饑

五期午朔午刻風電

辛未諭吏部尚書蹇義曰御史當任老成者遽授新進遇事風生以喜怒為威福正直不阿往被凌辱順比則與為膠漆自令慎選之又曰都御史惟廉清公正乃可倡率尚書可

都御史者

夜南京地震

壬申誅淑浦縣人誣告反者

夜大星二色青白見氏宿一色赤見軫宿

癸酉勅脩太宗實錄監脩官太師英國公張輔少師蹇義

少保夏原吉總裁官少傅楊士奇少保黃淮太子太傅楊榮

太子少保金幼孜太常寺卿楊溥

造嘉興延平慶都三公王中使司印

南京地震

甲戌夜大星色青白見天津

丙子山西按察副使王驥為順天府尹

丁丑故太醫院判蔣用文袁寶贈太醫院使謚用文恭靖俱

遣祭

夜大星色赤見尾宿

戎真貴池典史黃金蘭考績邑人詣闕留進知縣
夜大星色赤見牛宿王
已卯行在翰林侍讀李時勉侍講羅汝敬並言事
上怒使
武士擊時勉皆改監察御史頃之下獄

談遷曰仁宗素虛受何於時勉汝敬重至此也所言

大事史不明載必剴切不樂聞帝能宥弋讎獨不可推廣
其意耶時勉被笞折肋死而復蘇直言賈禍故諤少而
容多也時大駕就宴曾不少肩將天之夜暝違其常度

庚辰上上不豫召襄義楊士奇楊榮黃淮至思善門命士奇
書勅遣中官海壽馳召皇太子

辛巳上崩欽安殿年四十八遺詔曰朕嗣洪業甫及踰年
上惟皇考山陵未遠迫切哀誠下惟黔黎彫瘵未復憂勞
夙夜時用講疾奄至大漸皇太子孝友英明先帝夙期
其大器臣民咸欽其令望宜即皇帝位朕既臨御日淺恩澤
未浹於民不忍復有重營山陵制度務從儉約服制仍遵去
年六月之令於戲南北供億之勞軍民俱困四方嚮仰咸屬
南京斯因吾之素心君國子民宜從衆志凡文武群臣咸盡

忠秉節佐輔嗣君永寧我國家生民朕無憾矣是日未發喪沐浴襲奠飯舍如禮設几筵宮中朝夕哭上食
未三世懋曰書稱商高宗未即位其父祖亡命其勤勞於外其備歷辛勤既即位遂為中興令主仁宗監國二十年工夙凜奉命於成祖下復為二三讒慝所厄殷憂啟聖及工登極善政炳不可殫述皆從監國之勤勞所致賢設高宗殆所稱前聖後聖其揆一矣
李維禎曰二祖以馬上得天下帝所習見固不欲以其馬上治之也即位才一歲耳其治大要恭儉慈仁收天下

心國家德澤深厚獨稱

孝宗人不可以無年信夫

何喬遠曰

帝監國有年明習政事在位雖淺膏澤已溥

於民矣若其改過不吝痼瘕在身漢文宋仁未足方也商高周成間歟東莞陳建云

談遷曰仁宗在父弟大類漢惠帝而讒構尤甚惠帝所值趙王如意異母弟也而帝則同本相煎矣憂危二十年纔一伸眉目遽賓於天非膺數之獨艱者乎南北供億軫恤民力欲返駕舊京寬我東南念最殷也其不改父之臣與父之政豈誠不一思耶二百年來辰拱之勢翳成

祖是賴雖 仁宗而在異日者中結其轍矣
是月南昌大雨傷稼蠲其租

書